

ԱԿԱԴԵՄԻԿՈՍ Լ. Ա. ՕՐՐԵԼԻ

(Մենդելյան 80-ամյակի առթիվ)

Ս. թ. հուլիսի 7-ին լրացավ սովետական աղանավոր ֆիզիոլոգ, աղանակ-
միկոս Լևոն Արդարի Օրրելու ծննդյան 80 տարին։ Այդ պատկառելի գիտնա-
կանի գիտական սխրագործությունը, ամենից առաջ, ոչ միայն այն փայլուն
հետազոտություններն ու խոշոր տեսական կառուցումներն են, որ նա տվեց
ֆիզիոլոգիական գիտությանը, այլև գիտնականի այն տաղանդը, որը հանգեց-
նում է գիտության կազմակերպմանը, բազմաթիվ հետազոտողների ջանքերի
միավորմանը և գիտական մեծ կոլեկտիվի ուղղմանը՝ լուծելու ժամանակակից
գիտության ամենահիմնական խնդիրները։

Մյուս կողմից՝ Լ. Ա. Օրրելու գիտական ստեղծագործության ուղին, բնու-
թյամբով տարրեր պրոբլեմների բաղադրիկ լայն ընդգրկմամբ, միևնույն ժա-
մանակ աչքի է ընկնում գիտական մտածողության զարմանալի նպատակասլա-
ցությամբ և ամբողջականությամբ, որը հանգեցրեց այնպիսի հայտնագոր-
ծությունների, որոնք իր ժամանակ մեզ համար նվաճեցին նրա անվան հա-
մաշխարհային փառքը, իսկ այժմ տալիս են նրա գիտական ավանդների հա-
րուստ ծիլերը։

Լ. Ա. Օրրելին ծնվել է 1882 թվականին, Սաղկաձորում։ Խիֆլիսում միջ-
նակարգ կրթություն ստանալուց հետո, 1899 թվականին նա մեկնում է Պետեր-
բուրգ, ուր որպես ունկնդիր ընդունվում է Խաղմա-բժշկական աղանակմիան, իսկ
երեք տարուց հետո սկսում է աշխատել Ի. Պ. Պավլովի լաբորատորիայում, 20
տարի շարունակ մնալով նրա ամենամերձավոր աշխատակիցը և իր գիտական
բախտը ընդմիշտ կապելով այդ հանձարեղ ֆիզիոլոգի հետ։ 1913 թվականից
սկսած՝ Լ. Ա. Օրրելին ինքն է գլխավորում մի շարք լաբորատորիաներ, իսկ
հետագայում՝ նաև առաջատար հիմնարկներ մեր երկրում, որպիսի հանգա-
մանը հանգեցնում է ֆիզիոլոգիական բազմաճյուղի զարգացմանը։

Ամենախոշոր հարցը, որին իր ուժերը նվիրեց Լ. Ա. Օրրելին, հանդիսացավ
սիմպատիկ նյարդային համակարգի ֆունկցիայի հետազոտությունը։

Հենվելով մի կողմից՝ տրոֆիկ ներվավորման մասին իր ուսուցիչ, աղա-
նակմիկոս Ի. Պ. Պավլովի աշխատությունների վրա, իսկ մյուս կողմից՝ մկանա-
յին հյուսվածքի էֆոլյուցիոն զարգացման առանձնահատկությունների վրա,
Լ. Ա. Օրրելին ապացուցում է օրգանիզմի սոմատիկ ֆունկցիաների վրա
սիմպատիկ նյարդային համակարգի ներգործության ընդհանրականությունն ու
առանձնահատկությունը։ Լ. Ա. Օրրելին ցույց տվեց, որ սիմպատիկ նյար-
դը, կարգավորելով ինտիմ պրոցեսների ընթացքը հյուսվածքներում (տրո-
ֆիկ ազդեցություն), պայմաններ է ստեղծում նրանց յուրահատուկ ֆունկցիա-
լի լավագույն իրականացման համար։ Դրանով իսկ այս կամ այն օրգանի աշ-
խատանքը կախված կլինի նրանից, թե սիմպատիկ նյարդի կողմից որչափով է
այն նախապատրաստված և հարմարեցված (ազատության ճանձնարկված) օր-
գանիզմի գոյության ամենատարբեր պայմաններում։

Առաջին փայլուն արդյունքները դրդում են գիտնականին ուսումնասիրելու սիմպատիկ ներվալորման ազդեցության նոր ոլորտներ, և այդպիսիք հանդիսանում են մկանների բոլոր տեսակները, ծայրամասային նյարդերը, զգայարաններ և, վերջապես, որ առանձնապես կարևոր է, կենտրոնական նյարդային համակարգության տարրեր՝ ուղեղեղից մինչև մեծ կրծագեղերի կեղեր: Այսպես, քայլ առ քայլ կուտակվում են բազմաթիվ տվյալներ, որոնց գիտական իմաստավորումը հանդեպում է նոր տեսության՝ սիմպատիկ նյարդային համակարգի ազապատացիոն-տրոֆիկ ազդեցության տեսության ստեղծմանը: Այսպես, Ի. Պ. Պավլովի խոսքերով, կատարվում է այն փաստի դրումը, որը «լուծում է գրեթե հարյուրամյա առեղծվածը, այսպես կոչված, տրոֆիկ ներվալորման վերաբերյալ, որը պետք է ընդգրկի կենդանական օրգանիզմի ինչպես ֆիզիոլոգիական, այնպես էլ պաթոլոգիական հրահայական թվով երևույթներ»¹:

Ի. Պ. Պավլովի այդ խոսքերը մարգարեական դուրս եկան, քանի որ սեփականությամբ ֆորմացիայի ֆունկցիայի վերաբերյալ ժամանակակից ուսմունքը, բառ էություն, հանդիսանում է հետագա զարգացումն այն գաղափարների, որոնք ազապատացիոն-տրոֆիկ ներդործությունների նկատմամբ զարգացվեցին Լ. Ա. Օրբելու և նրա զպրոցի աշխատություններում:

Տեսության կառուցումը գիտնականի միտքը դրդում է նյարդային համակարգության մի այլ կարևոր դոյացության՝ փոքր ուղեղի ուսումնասիրության ուղղությամբ: Կատարված հետազոտությունները ցույց են տալիս, որ համանման դեր խաղում է նաև այդ նյարդային օրգանը: Շնորհիվ վերջինիս, Լ. Ա. Օրբելին ստեղծում է նոր տեսություն փոքր ուղեղի ֆունկցիաների մասին և, օրիգինալ տվյալներ ստանալով այդ ուղղությամբ, դրանք վարպետորեն սինթեզում է սիմպատիկ ազդեցությունների ուսումնասիրության ժամանակ բացահայտված փաստերի հետ: Այսպես է ծագում Լ. Ա. Օրբելու պատկերացումը փոքր ուղեղի՝ որպես օրգանիզմի բոլոր հիմնական սեփականոր ազդեղների կարգավորիչի ու կայունացնողի մասին:

Լ. Ա. Օրբելու կողմից շատ բան է արված անալիզատորների ֆիզիոլոգիայի հարցերի մշակման գործում: Նա, իր աշխատակիցների հետ միասին, կարևոր հետազոտություններ է կատարում ցավային զգայնության, տեսողության ու լսողության ֆիզիոլոգիայի, օրգանիզմի աֆերենտ սիստեմների փոխհարաբերության առանձնահատկությունների ուսումնասիրության ուղղությամբ, տալիս է հաջորդական պատկերների մեթոդի տեսական հիմնավորումը և այլն և այլն:

Կատարված հետազոտությունների հաջողությունը մեծ չափով որոշվում է գիտնականի լայն բիոլոգիական մոտեցմամբ: Ֆիզիոլոգիական ֆունկցիաների նկատմամբ այդ համակենսարանական հայացքը պայմանավորում է նաև մյուս բացառիկ կարևոր ուղղությունը՝ հայրենական գիտության մեջ՝ էվոլյուցիոն ֆիզիոլոգիան, որը, իբրև ինքնուրույն գիտցիպլին, առաջ է բաշվել ակադեմիկոս Լ. Ա. Օրբելու զպրոցի կողմից:

Զարգացման տեսությունը Օրբելու ձեռքում դառնում է ֆիզիոլոգիական երևույթների հետազոտության հիմնական մեթոդներից մեկը, իսկ զարվինի մի սկզբունքները իրենց ավելի խորը լուսարանումն են ստանում շնորհիվ ֆի-

¹ Ի. Պ. Պավլովի հետազոտային նյութերը, ՍՍՍՐ ԳԱ հրատ., էջ 102—103, 1949 թ.

գիտությունների գիտություն առանձնահատկության: Դրա շնորհիվ դրսևորվում են օրգանիզմում ֆունկցիոնալ հարաբերությունների ծագման ու ձևավորման փոփոխությունները: Ֆիզիոլոգիայում կազմավորվում են պատկերացումներ ֆունկցիաների էվոլյուցիայի և ֆունկցիոնալ էվոլյուցիայի մասին:

Երբ 1936 թվականին վախճանվում է Ի. Պ. Պավլովը, Լ. Ա. Օրբելու ուսերին է ծանրանում նրա գիտական ժառանգության հետագա մշակման պատվաժար ու պատասխանատու խնդիրը: Գլխավորելով պավլովյան խոշորագույն կոնկրետիվներին՝ ՍՍՖՄ Գիտությունների ակադեմիայի ֆիզիոլոգիական ինստիտուտը և Բիոլոգիական կայանը կոչուում (հետագայում՝ Բարձրագույն նյարդային գործունեության էվոլյուցիոն ֆիզիոլոգիայի և պաթոլոգիայի ինստիտուտ) Լ. Ա. Օրբելին ապահովում է հայրենական ֆիզիոլոգիայի հետազոտական ուղմանի զարգացումը և ամրապնդում է այդ ինստիտուտների՝ որպես ֆիզիոլոգիական մաքի համաշխարհային կենտրոնների համբավը:

Իր ամբողջ գիտական գործունեության ընթացքում Լ. Ա. Օրբելին զբաղվում էր կենդանիների և մարդու բարձրագույն նյարդային գործունեության հետազոտությամբ: Մեծ կիսազնդերի կեղևի աշխատանքի ընդհանուր օրինաչափությունների ուսումնասիրության հարցերում, նա առանձնակի ուշադրություն է դարձնում ուղեղի ֆունկցիոնալ վիճակի հետազոտությանը, այն ազդեցություններին, որ բարձրագույն նյարդային գործունեության վրա գործում են զեղեռատիվ նյարդային համակարգը և էնդոկրին գործոնները:

Նրա աշակերտները հետաքրքրական աշխատանքներ են կատարում պայմանական ռեֆլեքսների էվոլյուցիայի ուղղությամբ, մանրամասն վերլուծման են ենթարկում կենդանիների բնազդային գործունեությունը, որոշում են այս կամ այն զգայարանի առաջատար դերը, կախված կենդանական օրգանիզմի բնակվելու պայմաններից, լայնորեն աշխատանքներ են ծավալում բարձրագույն նյարդային գործունեության էքսպերիմենտալ դենետիկայի ուղղությամբ: Վերջին տարիների ընթացքում նրանք ինտենսիվ կերպով ուսումնասիրում են երկխայի բարձրագույն նյարդային գործունեության զարգացումը նորմայում և պաթոլոգիայում:

Սակայն Լ. Ա. Օրբելու գիտական գործունեությունը չի սահմանափակվում տեսական հարցերի լարորատոր մշակմամբ: Նա քիչ բան չի արել առողջապահության, մանկավարժության, ֆիզիկական կուլտուրայի և այլի կենսական պահանջմունքների համար ֆիզիոլոգիան գործնականորեն կիրառելու բնագավառում: Այնպիսի հարցեր, ինչպիսին են՝ ցավի ֆիզիոլոգիական ու պաթոֆիզիոլոգիական մեխանիզմները, ինչո՞վ է արտահայտվում էլեկտրական տրավմայի և մթնոլորտային ճնշման ու արագացումների տեղաշարժերի կործանիչ ազդեցությունը, ինչպիսին է շոկի, կաուզալիայի (այրուցավ), հիպերտոնիայի և երիկամային տառապանքների պաթոգենեզը, ինչպե՞ս է ներգործում իոնիզացիոն ճառագայթումը և, վերջապես, վեգետատիվ նյարդային համակարգի ամենարագմազան ֆունկցիաների խանգարման ինտիմ բնույթը—այսպիսին է կլինիկական հարցերի բնավ էլ ոչ լրիվ թվարկը, որոնք բեկոել են Լ. Ա. Օրբելու ստեղծագործական ուշադրությունը:

Դժվար է դերագնահատել այն ավանդը, որ Լ. Ա. Օրբելին մտցրել է ֆիզիոլոգիայի բնագավառում: Էլ ավելի դժվար է թեկուղ ընդհանուր գծերով հանրագումարի բերել այն ամենը, ինչ արել է Լ. Ա. Օրբելին հայրենական գիտության զարգացման համար: Այդ ականավոր գիտնականի ստեղծագործությունը

նշանավորեց սովետական ֆիզիոլոգիայի մի ամբողջ դարաշրջան։ Նրա բազմակողմանի գիտա-հասարակական գործունեությունը, որը զարմանք է հարուցում պրոբլեմների ընդարձակությամբ, խոր հետք է թողել ֆիզիոլոգիական գիտցիպլինի բնագավառում, և դալիք սերունդները որոնք իրենց կենվիրեն ալ գիտությունը, հպարտությամբ ու շնորհակալությամբ կհիշեն աշխարհի վերջին տասնամյակների ամենախոշոր ֆիզիոլոգներից մեկի՝ Լևոն Արգարի Սրբիու անունը։